

Headline	THT mahu elak penentuan penalti di final		
MediaTitle	Harian Ekspres (KK)	Language	Malay
Date	09 Mar 2024	Readership	75,165
Circulation	25,055	Page No	8
Section	Sukan	Journalist	N/A
ArticleSize	130 cm ²		
PR Value	RM 829		



THT mahu elak penentuan penalti di final

KUALA LUMPUR: Pasukan Hoki Terengganu (THT) tekad menjulang trofi sulung musim ini dan akan memastikan perlawanan menentang TNB pada aksi final Piala TNB akan berakhir dalam masa sebenar di Stadium Nasional Hoki Bukit Jalil pada Sabtu.

Penyerang THT Faizal Saari berkata skuadnya perlu mengelak perlawanan diheret kepada penentuan pukulan penalti memandangkan pasukan lawan mempunyai kelebihan dalam situasi tersebut.

Beliau berkata pasukannya turut berazam untuk berjuang berhabis-habisan dalam usaha menyekat misi TNB yang mahu memburu gelaran treble musim ini selepas menjulang Piala Sumbangsih sebelum merangkul kejuaraan MHL bulan lepas.

“Untuk saingan MHL 2024 ini memang TNB ialah pasukan pilihan manakala THT ialah pasukan bukan pilihan. Namun ini ialah perlawanan final, sudah tentu kami akan berjuang habis-habisan dan menampilkan prestasi terbaik.

“Mereka memiliki pemain yang kuat apabila ditarik ramai pemain kebangsaan termasuklah pakar pukulan sudut penalti Korea Selatan Jang Jong Hyun. Jadi kita juga perlu elak penentuan pukulan penalti,” katanya kepada pemberita pada sidang media Piala TNB di Stadium Nasional Hoki Bukit Jalil di sini pada Jumaat.

Pada Khamis, THT yang juga juara bertahan mengesahkan slot final menerusi agregat 6-1 selepas meraih kemenangan 3-1 ke atas Maybank pada aksi separuh akhir kedua di stadium berkenaan. – Bernama